



قلیتا برونی

PELITA BRUNEI

Membudayakan Masyarakat Bermaklumat

MANISNYA IMAN مانيسث ايمان

"DAN mereka yang apabila membelanjakan hartanya, tiadalah melampaui batas dan tiada bakhil kedekut; dan perbelanjaan mereka adalah betul sederhana." - Firman Allah Subhanahu Wata'ala dalam Surah Al-Furqaan, ayat 67.

WAKTU SEMBAHYANG | IMSAK 5.01 | SUBUH 5.11 | SYURUK 6.28 | DUHA 6.50 | ZUHUR 12.31 | ASAR 3.42 | MAGHRIB 6.32 | ISYAK 7.41 | Daerah Belait ditambah 3 minit
Daerah Tutong ditambah 1 minit

TAHUN 68 BILANGAN 31 | 13 MAC 2023 / 1444 شعبان 20 | JABATAN PENERANGAN | EDISI ISNIN / PERCUMA

SEMAI SEMANGAT PATRIOTISME, PERKUKUHKAN PERPADUAN

GADONG, Sabtu, 11 Mac. - Universiti Islam Sultan Sharif Ali (UNISSA) melalui Fakulti Pengurusan Pembangunan Islam (FPPI) dengan kerjasama Pusat Sejarah Brunei (PSB) mengadakan Majlis Perasmian Program Negaraku Kebanggaanku sempena Semarak Hari Kebangsaan Negara Brunei Darussalam (NBD) Ke-39 yang diadakan selama sehari bertempat di kampus universiti berkenaan di sini, bermula pukul 9.00 pagi hingga 4.30 petang.

Objektif program tersebut adalah bagi menggalakkan dan menyemai nilai patriotisme dalam kalangan masyarakat khususnya mahasiswa dan mahasiswi UNISSA serta menerapkan etika mengukuhkan perpaduan antara masyarakat NBD serta untuk menggilap bakat juga potensi mahasiswa dan mahasiswi UNISSA khususnya mahasiswa dan mahasiswi FPPI, yang mampu menganalisa, merancang strategi dalam membantu pengurusan dan mengolah semangat menyambut hari kebanasaan NBD.

Hadir selaku tetamu kehormat pada majlis perasmian tersebut ialah Penolong Rektor Hal Ehwal Pelajar dan Alumni, UNISSA, Dr. Hajah Lilly Suzana binti Haji Shamsu.

Turut hadir ialah Dekan Fakulti Pengurusan Pembangunan Islam UNISSA, Muhammed Sahrin bin Haji Masri; Pengetua PSB, Dr. Haji Muhammad Hadi bin Muhammad Melayong; Timbalan Dekan Fakulti Pengurusan Pembangunan Islam

UNISSA, Profesor Madya Dr. Anis Malik Thoha; Timbalan Pengetua PSB, Mohammad Faisal bin Haji Mat Salleh; Pengasas Brunei Heritage, Awang Haji Mohd Rozan bin Dato Paduka Haji Mohd Yunos; serta Pegawai-pegawai Kanan UNISSA dan PSB.

Majlis tersebut dimulakan dengan nyanyian lagu 'Allah Peliharakan Sultan' dan diteruskan bacaan Surah Al-Fatihah serta Doa yang dipimpin oleh Pelajar Sarjana Muda Pengurusan Pembangunan, Awangku Syafiq Izzuddin@Awangku Muhd Nur Afif bin Pengiran Haji Aliddin.

Pada majlis itu, tetamu kehormat menyampaikan lafaz perasmian, dan kemudian mengadakan lawatan ke Pameran Nama-Nama Jawi Sultan-Sultan Brunei Darussalam, Pameran Brunei Heritage, Aktiviti Takapan, Salasilah, Mentransliterasi dan Tulisan Jawi, Kuiz Interaktif, Sudut Interaktif, Jualan Buku PSB dan UNISSA Press; serta Gerai Belia Kitani.



PENOLONG Rektor Hal Ehwal Pelajar dan Alumni, UNISSA, Dr. Hajah Lilly Suzana binti Haji Shamsu selaku tetamu kehormat menyampaikan lafaz perasmian dan kemudian mengadakan lawatan ke pameran (atas dan atas kanan).

